

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA NOVI GRAD SARAJEVO
OPĆINSKI NAČELNIK

Broj: 02/12-23-24018/18
Sarajevo, 30.01.2019.godine

Na temelju člana 88. i 70. Zakona o javnim nabavkama ("Službeni glasnik BiH", broj 39/14) i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.05.2018.godine, a na preporuku Komisije za javnu nabavku radova - putem konkuretskog zahtjeva, Općinski načelnik d o n o s i:

ODLUKU

o izboru najpovoljnijeg ponuđača u predmetu – Izvođenje radova na sanaciji i rekonstrukciji objekta skladišta službe Civilne zaštite, Benzinska (pumpna) stanica

I

Prihvata se preporuka Komisije za javnu nabavku radova i ugovor za javnu nabavku u predmetu - Izvođenje radova na sanaciji i rekonstrukciji objekta skladišta službe Civilne zaštite, Benzinska (pumpna) stanica, konkuretski postupak broj obavještenja 422-7-3-292-3-161/18 objavljen na Portalu javnih nabavki Agencije za javne nabavke BiH dana 04.12.2018.godine, dodjeljuje se ponuđaču DINALSA doo Sarajevo, Huseina Đoze br. 3., sa ponuđenom cijenom za ugovor u iznosu od 79.282,71 KM sa uračunatim PDV-om.

II

Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda i Zapisnik o pregledu i ocjeni ponuda Komisije za javnu nabavku radova sa preporukom za dodjelu ugovora u spis.

III

Zadužuje se Služba za zajedničke poslove, da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te nakon isteka žalbenog roka pripremi ugovor i dostavi Općinskom načelniku na potpis.

IV

Obavezuje se ponuđač iz člana I ove Odluke da u roku od 5 (pet) dana od zaprimanja iste, dostavi dokumente navedene u podtački 3.1.3. tenderske dokumentacije, koji se odnose na član 45. stav 2. tačka od a) do d) Zakona.

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

Konstatujemo da je ponuđač iz tačke I ove Odluke dostavio dokumente tražene u podtački 3.3. tenderske dokumentacije koja se odnosi na ekonomsku i finansijsku sposobnost, te se oslobađaju naknadnog dostavljanja istih.

Obrazloženje

Postupak javne nabavke pokrenut je Odlukom o pokretanju postupka javne nabavke u predmetu - Izvođenje radova na sanaciji i rekonstrukciji objekta skladišta službe Civilne zaštite, Benzinska (pumpna) stanica, br. 02/12-23-24018/18 od 23.11.2018.godine.

Odlukom o pokretanju postupka javne nabavke, procjenjena vrijednost javne nabavke bez PDV-a iznosi 68.376,07 KM, a vrijednost nabavke sa uračunatim PDV-om iznosi 80.000,00 KM. Javna nabavka provedena je putem konkurentnog postupka za dostavu ponuda br. obavještenja 422-7-3-292-3-161/18 objavljen na Portalu javnih nabavki Agencije za javne nabavke BiH dana 04.12.2018.godine.

Zapisnikom sa otvaranja ponuda od 17.12.2018.godine Komisija je utvrdila je da su u ostavljenom krajnjem roku za otvaranje ponuda, blagovremeno i propisno upakovane dostavljene dvije (2) ponude i to od sljedećih ponuđača: Dinalsa doo Sarajevo i Konzorcij: "GIA BH doo Sarajevo, ZIK doo Mostar i GREEN Tank doo Gradiška". Zapisnik sa otvaranja ponuda dostavljen ponuđačima na fax.

- Vršeci analizu ponude Konzorcij: "GIA BH doo Sarajevo, ZIK doo Mostar i GREEN Tank doo Gradiška" utvrđeno je slijedeće:

- U podtački 4.2. Sadržaj ponude; podtačka e) i podtački i 3.2.1. Sposobnost obavljanja profesionalne djelatnosti tenderske dokumentacije, a na način kako je to definisano u podtački 3.5. Grupa ponuđača, a sve u skladu sa odredbom člana 46. Zakona o javnim nabavkama, precizirano je da svaki od članova grupe ponuđača mora biti registrovan u odgovarajućem profesionalnom ili drugom registru zemlje za obavljanje profesionalne djelatnosti, koja je predmet ove nabavke. Od tri člana Grupe ponuđača koji su učestvovali u ovom postupku, utvrđeno je na osnovu dostavljenog Aktuelnog sudskog registra izdatog od strane Općinskog suda u Mostaru, da član Grupe Zavod za ispitivanje kvalitete doo Mostar (ZIK doo Mostar) nije registrovan za obavljanje tražene djelatnosti za ovu vrstu postupka. Osnovna djelatnost ovog člana Grupe ponuđača je "Usluga kontrole kvaliteta i kvantiteta u izvozu i uvozu robe, proizvodnji, prijevozu i skladištenju uz izdavanje odgovarajućih dokumenata (svjedodžbi, certifikata, atesta i dr.)".

- Uvidom u dostavljeno Rješenje o registraciji br. 057-0-Reg-11-004542 od 22.03.2012.godine izdato od strane Okružnog privrednog suda u Banja Luci, a koje se odnosi na "GREEN TANK" doo Gradiška, utvrđeno je da ni ovaj član Grupe ponuđača nije registrovan za obavljanje radova koji su predmet ove nabavke.

- Takođe, Komisija je konstatovala da priloženo Rješenje o registraciji br. 057-0-Reg-11-004542 od 23.03.2012.godine izdato od strane Okružnog privrednog suda u Banja Luci, a koje se odnosi na "GREEN TANK" doo Gradiška, nije dostavljeno kao original ili ovjerena kopija, kako je to jasno precizirano u podtački 4.2. Sadržaja ponude; stav e) tenderske dokumentacije. Stoga, ni ovaj postavljeni uslov nije ispunjen od strane Grupe ponuđača.

U skladu sa podtačkom 3.2.3. tenderske dokumentacije, svi članovi Grupe ponuđača morali su biti registrovani za obavljanje predmetne djelatnosti. Međutim, dva od tri člana nisu registrovana za obavljanje predmetne djelatnosti, uz to jedno dostavljeno Rješenje br. 057-0-Reg-11-004542 od 22.03.2012.godine izdato od strane Okružnog privrednog suda u Banja Luci nije bilo dostavljeno u originalu niti u ovjrenoj kopiji, te Komisija smatra da Grupa ponuđača (konzorcij) nije ispunila tražene uslove.

- U skladu sa podtačkom 4.2. Sadržaj ponude; stav h) traženo je da ponuđač dostavi Listu izvršenih ugovora koji su u vezi sa predmetnom nabavkom, a koji su realizovani u posljednje tri godine sa vrijednostima, datumima i naručiocima radova. Uvidom u ponudu Grupe ponuđača, utvrđeno je da ova Lista o uredno izvršenim ugovorima nije dostavljena.

- U skladu sa podtakom 4.2. Sadržaj ponude; stav h) postav a) ponuđač je dužan da uz spisak izvršenih ugovora dostavi najmanje jednu potvrdu za ugovor koji za predmet ugovora ima izvedene radove koji su u vezi sa predmetnom nabavkom. Ponuđač je priložio "Ugovor o nabavci usluge tehničkog održavanja objekta, opreme, terminala i BST u Bosni i Hercegovini" br. UG-359/18 od 16.05.2018.godine. Uvidom u dostavljeni Ugovor, Komisija je uvidjela da se ovdje radi o pružanju usluge i nabavke robe (član 2. predmetnog Ugovora), a ne o izvođenju građevinskih radova na

benzinskim stanicama za gorivo. Takođe ukazujemo da je dostavljena samo prva i deseta stranica navedenog Ugovora. U vezi sa tim, smatramo da ovaj uslov nije ispunjen od strane ponuđača.

- U podtači 4.2. Sadržaj ponude; podtačka d) i u Prilozima tenderske dokumentacije kao Aneks 5. (dato na stranici 12. tenderske dokumentacije u Prilozima) ponuđač je imao obavezu da dostavi popunjen Aneks 5. koji mora biti potpisan i ovjeren od strane nadležnog organa. Uvidom u Izjavu člana Grupe ponuđača GREEN TANK doo Gradiška, utvrđeno je da ovaj ponuđač nije ispoštovao formu Aneksa 5. kako je to definisano tenderskom dokumentacijom. Takođe, dokument koji je priložen "kao traženi Aneks 5" nema potpisa niti ovjere od strane nadležnog organa. U vezi sa tim, smatramo da ovaj član grupe ponuđača nije ispunio traženi uslov.

U skladu sa naprijed navedenim, ocjenjeno je da navedena ponuda Konzorcij: "GIA BH doo Sarajevo, ZIK doo Mostar i GREEN Tank doo Gradiška", nije potpuna, te da nije ispunila uslove tražene u tenderskoj dokumentaciji. Ova ponuda je ocjenjena kao neprihvatljiva i nije bila predmet dalje analize i vredovanja.

• Analizom ponude ponuđača Dinalsa doo Sarajevo, Komisija je utvrdila da ova ponuda ispunjavaja formalno-pravne i kvalifikacione uslove tražene tenderskom dokumentacijom.

Komisija je izvršila i računsku kontrolu ove ponude, te utvrdila slijedeće računске greške:

- Na stranici 6 ponude: "2. ZEMLJANI I GRAĐEVINSKI RADOVI; 4. Nabavka i ugradnja tamponskog sloja ispod protoara ..." stoji 7,8 40,00 304,00, a treba da stoji 7,8 40,00 312,00.
- Na stranici 6 ponude: "UKUPNO" stoji 7.214,00, a treba da stoji 7.222,00.

Gore navedena računska greška, uticala je na ukupan iznos ponude bez PDV-a koji nakon korekcije iznosi 67.763,00 i iznos PDV-a tako da, nakon korekcije PDV iznosi 11.519,71, a ukupna cijena ponude nakon izvršene računске kontrole iznosi 79.282,71 KM sa PDV-om.

U skladu sa primjenom Zakona o javnim nabavkama, Komisija je dostavila ponuđaču akt kojim je traženo da se ponuđač izjasni o uočenoj računskoj grešci. Ponuđač je u pismenoj Izjavi dostavljenoj ugovornom organu br. 0864/19 od 30.01.2019.godine dao svoju saglasnost na uočenu računsku grešku.

Na osnovu izvršenih provjera, ponuda ponuđača Dinalsa doo Sarajevo je ocjenjena kao prihvatljiva, sa ponuđenom cijenom za ugovor u iznosu od 79.282,71 KM sa uračunatim PDV-om.

Uzevši u obzir da je Komisija u cijelosti pravilno postupila i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cjelosti se prihvata Zapisnik o pregledu i ocjeni ponuda Komisije za javnu nabavku radova sa preporukom za dodjelu ugovora. Na osnovu gore navedenog, odlučeno je kao u dispozitivu Odluke.

Pouka o pravnom lijeku

Ponuđači koji su sudjelovali u postupku nadmetanja mogu radi zaštite svojih prava i pravnih interesa, izjaviti žalbu ugovornom organu u roku od 5 dana od prijema pismene obavijesti (Odluke) o izboru najpovoljnijeg ponuđača. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila
Enisa Babić, dipl. pravnik

Dostaviti:

1. Ponuđaču/ima- učesniku/ postupka
2. Služba za zajedničke poslove
3. Arhivi/ u spis

